

後
樂
集

欽定四庫全書

後樂集卷五

宋 衛涇 撰

內制

賜端明殿學士簽書樞密院事督視江淮軍馬
丘密臘藥勅書

勅卿以右府之耆英專督軍之重任臘寒方力籌幄良
勞頒上劑於寶奩示中宸之密眷益資冲輔勉究茂勲
賜成都潼川府夔利路安撫使程松臘藥勅書

勅卿以西樞之望撫全蜀之師方栗烈之蕭辰實注懷
於舊德往頒珍劑益輔冲襟

賜資政殿學士知潼川府費士寅臘藥勅書

勅卿望隆廊廟任重翰垣屬寒籥之方深軫眷懷而良
厚趣頒嘉劑以介珍調

賜兩浙東路安撫使錢象祖臘藥勅書

勅卿望高兩社任重十連屬冰雪之蕭辰睇蓬萊而注
想宜頒良劑加衛冲襟

賜端明殿學士湖北京西宣撫使薛叔似臘藥
勅書

勅卿視儀政路增峻中權方栗烈之蕭辰實注懷於舊
德往頒珍劑益輔冲襟

賜工部侍郎兼樞密都承旨樞密行府參贊軍
馬吳總寶謨閣待制湖北京西宣撫使陳謙臘
藥勅書

勅卿席寵禁塗贊謀督府方嚴凝之屆序念匱薄之良

金定四庫全書
卷五
勞宜有珍頒以昭眷遇

賜鎮江府駐劄御前諸軍都統制山東京東路
招撫使郭倪臘藥勅書

勅卿內嚴嚴衛外總師干當寒簷之蕭辰錫寶奩之名
劑益綏爾衆均識朕恩

賜主管殿前司公事真州駐劄策應兩淮郭果
臘藥勅書

勅卿總嚴凝之衛提犄角之師屬此盛冬錫之名劑其

推上澤均洽士心

賜侍衛馬軍行司主管侍衛馬軍行司職事戚拱
御前諸軍都統制田琳董世雄趙淳御前諸軍
副都統制馮拱陳孝慶魏友諒彭輅毋思畢再
遇臘藥勅書

勅汝等分總戎昭力推寇虐屬嚴凝之在候念蒙犯之
惟艱爰賜奩珍式昭恩意

賜宣撫使程松銀合湯藥勅書

勅程松商飈屆候邊地蚤涼眷吾斗極之英盡撫坤維
之衆比聆凱奏深獎竒勲既虎視於三秦諒鷹揚於萬
旅惟茲多算悉稟成謨載疇玉帳之勞爰錫寶奩之劑
益加攝衛迄濟規恢

賜御前諸軍都統制王大節孫忠銳夏藥勅書
勅汝等任隆將聞威懾邊陲涉九夏之炎歆撫三軍而勞
勩攷之珍劑賁以寶奩其推廣於惠心俾均霑於部曲
賜御前諸軍副都統制魏友諒莊松王鉞王大

才等夏藥勅書

勅汝等分綰兵符克清邊祲貳元戎之統御履九夏之
炎蒸爰放奩劑之良庸示轅門之寵

賜御前諸軍副都統制馮拱夏藥勅書

勅馮拱汝禁旅分屯方肅清於海淑采薇久戍嗟載涉
於炎蒸嘉而控禦之勤軫我眷懷之切特放珍劑庸示
異恩

賜寶謨閣學士通奉大夫四川制置使知成都

府楊輔銀合夏藥

勅楊輔卿夙推舊德就撫蜀都雖渴見於儀刑念莫踰
於望實倏更炎序彌軫眷懷往頒奩劑之珍式助生經
之衛勉寬憂顧佇俟來歸

賜池州駐劄御前諸軍都統制秦世輔銀合夏
藥

勅世輔汝茲膺親擢往護上流念征馭之良勞屬炎歊
之屆序往放珍劑以衛生經其欽體於眷懷尚克修於

戎律

賜興元府駐劄御前諸軍都統制彭輅銀合夏藥

勅彭輅汝甫膺親擢往貳戎昭念征馭之良勤屬炎歊之屆序錫之良劑示我眷懷尚寬西顧之憂亟底邊陲之靖

賜江州駐劄御前諸軍副都統制兼知光州劉光鼎銀合夏藥

勅光弼汝分提禁旅往護邊城方征馭之良勤屬矢歟
之屆序亟攷珍劑以衛生經其撫勞於兵民以肅清於
氛祲

賜端明殿學士中大夫知興州充利州西路安
撫使兼四川宣撫副使安丙夏藥

卿勲書彝鼎職亞機衡分重寄於坤維愴皇靈於關塞
諒精忠之有相豈寒暑之能侵往攷奩劑之珍庸示宸
旒之眷

賜建武軍節度使沔州駐劄御前諸軍都統制
王喜夏藥

卿峻陟齋壇寵膺將鉞親提王旅克復秦關當凱奏之
還歸諒暑行之勞勩爰放良劑式示至懷

賜侍御馬軍行司職事戚拱夏藥

卿駟駿分屯護我陪都之重貌貅久戍履茲炎夏之辰
載嘉扞禦之勞深軫眷懷之厚往頒靈劑尚體茂恩

賜御前諸軍都統制趙淳畢再遇田琳等夏藥

汝等任隆閫制勲茂戎昭屬氣序之炎歆撫兵民而勞
勩放之珍劑賁以寶奩其推廣於惠心俾均需於部曲
賜御前諸軍都統制董世雄夏藥

汝禁旅分屯夙護上流之險采薇久戍載更瘴暑之炎
嘉而扞禦之勤軫我眷懷之切特頒珍劑庸示茂恩

賜知樞密院事督視江淮軍馬張巖夏藥

卿制勝籌幄夙倚紫樞之望撫師江許屬臨朱籥之辰
諒底定之有期嘉旋歸之匪日爰賜上奩之劑式昭中

宸之恩

賜資政殿學士知潼川府費士寅夏藥

卿舊弼撫藩夙倚折衝之略朱煒屈序載嘉盡瘁之誠
爰軫眷懷往頒靈劑庸輔節宣之適迄圖綏靜之勲

賜華文閣學士中大夫知江陵府湖北京西宣
撫使宇文紹節夏藥

卿出藩入從復宣閫外之威當夏問涂俶履離明之序
周爰靡止嘉歎不忘頒上劑以輔和宜疾驅而毋憚

賜寶謨閣待制四川制置使吳玠夏藥

卿宣威北塞方疇漢水之勲分閫西陲復借雪山之重
炎蒸屈候徒御實勞錫上劑之珍良輔冲襟於匱薄

賜督視行府參贊軍事沈作賓夏藥

卿通班禁路贊畫元戎就分北固之符適踐南訛之候
賢勞備著睠軫良深宜放奩劑之珍往致冲襟之輔

賜沔州駐劄御前諸軍副都統制李好義銀合

夏藥

勅好義汝比建殊勲分提勁旅屬撫循之良勩適炎燠之
御辰其攷奩劑之珍庸示眷懷之渥益殫忠藎迄靖邊
氛

賜象祖斷章批答口宣

有勅朕疇望經帷登賢政路士喜端人之復用民欣舊
德之來歸其勉罄於謀猷勿過形於遜避

賜李壁斷章批答口宣

有勅朕妙柬儒猷晉參國東已趣攷於成命實允穆於

師虞其畧謙函亟抵寵渥

賜張巖斷章批答口宣

有勅朕儀圖舊德擢冠鴻樞方衆聽之具孚宜壯猷之
亟展其蠲異牘以對龍光

宣勞將士口宣

有勅卿汝等克修戎職祇護明禋眷言區薄之勞深見
忠勤之助迄臻熙備良用歎嘉

賜皇子榮王告口宣